

ისტორია

19 ფარული ||| ||| ||| ||| |||

||| საზოგადოებისა


ფილადელფოს პიკნაქა

ზ. ზაზინაძისა.

ფასი სამი მანეთი.

1919

სტამბა „განათლება“ დ. ლ. პიტნაჯასი, გრანდის ქ. თბილისი.



11/12

გ ა ნ ს ხ ა დ ე ბ ა

დაიბეჭდება „ფარული საზოგადოების“ შესახებ:

- 1) ივანე ხელაშვილი, 2) სოლომონ რაზმაძე, 3) ალექ. ჭავჭავაძე და 4) სოლ. დოდაშვილი.

ფილადელფოს კიკნაძე

ფილადელფოს კიკნაძე დაიბადა 1797 წ. პატარაობის დროს იგი გელათის მონასტერში მიაბარეს მოწაფეთ. აქა სწავლობდა იგი ნიჭიერათ. ამ დროს, რუსებს ომი ქონდათ იმერეთის მეფე სოლომონ მეორესთან. ამ მეფის ერთგული ყმანი იყვნენ კიკნაველიძენი. მთელი ეს გვარი მეფე სოლომონის ერთგულებაში მოისპო. ფილადელფოს კიკნაძეს ესეთი პირობები დიდათ ამხნევებდა და აფიქრებდა. ეს მიეცა ამი'თვის დუმილს ასე:

როგორ, ეს რა საქნელი საქმეა, ჩემი სახლიკაცები სოლომონ მეფესთან ერთათ მტრის წინ იხოცებიან, მე კი ამ დროს, გელათის მონასტერში ბერებთან ვზივარო. ეს არ შეიძლებაო. ახალგაზრდა კიკნაძემ ისურვა სახლიკაცებში ჩარევა და რუსების წინააღმდეგ ბრძოლის დაწყება. მან ესეც მალე მოახერხა, მალე ჩაერია სახლიკაცებში და გაიმართა მათი ცხარე ბრძოლა, ახალგაზრდა ფილოდელფოს მორჩილი იბრძოდა სამაგალითოთ და ერთგულათ.

მაინც იმერთ ვერ შესძლეს წინააღმდეგ დგომა, რუსებმა იმერეთი დაამარცხეს, ამის შემდეგ რუსებმა

იმერლებს სასტიკათ დაუწყეს დევნა. ამ დევნილებში მოჰყვა ფილოდელფოსიც. მეტი გზა არ ჰქონდა, დევნილ ოჯახის შვილს სხვა გზა უნდა აერჩია, რომ რუსეთის დევნას გადარჩენოდა. ამან მოახერხა და იმერეთიდან თფილისში გადასახლდა. გამოქცეულმა რუსის მთავრობის შიშით გვარი გამოიცვალა და კიკნაძის მაგიერ კიკნაველიძე დაირქვა. თფილისიდან მერე კახეთში გადასახლდა თავის ნათესავთან, ცოტახანს ხირსის მონასტერშიც დაჰყო.

აქ ფილადელფოსმა ქართულ გალობაში გამოიჩინა კარგი ნიჭი, შეადგინა მგალოგელთა გუნდი, თვით ლოტბარი გახდა და დაიწყო გალობა. ამით მალე მოიხვეჭა სახელი, მისი საქმე ისე მოეწყო, რომ კარგი გალობის ცოდნის გამო იგი გაიცნა მთელმა იმ დროის ქართველთ წარჩინებულ პირთ და ნამეტურ ბატონიშვილებმა და ანტონ კათოლიკოზმაც, მოხდა ისიც მალე, რომ ანტონ კათოლიკოზმა ფილადელფოს მალე ჩოხაც უკურთხა. ამის შემდეგ ფილადელფოსი გახდა სახელოვანი მგალობელი და მასთან კარგი ბერიც.

ფილოდელფოსის საუბედუროთ, ამ დროს, რუსის მთავრობა ყველა ბატონიშვილებს რუსეთში ასახლებდა. ამ გვართ გადასახლეს ფილოდელფოსის მწყალობელი ბატონიშვილებიც და მათთან ან-

ტონ კათოლიკოზიც, რაც ერთობ მეტათ მძიმე იყო ფილადელფოს კიკნაძესთვის. ამან ესეთი ობლობა ვერ აიტანა და გადასწყვიტა, სადაც ჩემი მფარველნი იქნებიან, მეც იქ უნდა ვიყო. ეს მოიფიქრა და გადასწყვიტა რუსეთში წასვლა. მალეც მოახერხა და გაუდგა რუსეთის გზას.

ფილადელფოს კიკნაძემ გაიარა მთელი რუსეთი და როგორც იქმნა ჩავიდა მოსკოვს. აქ მას დახვდნენ ქართველი ბატონიშვილები. მაშინ იქვე სცხოვრობდა ივანე ხელაშვილი. ბატონიშვილებმა ახალგაზრდა მორჩილი ფილადელფოსი ივანე ხელაშვილს ჩააბარეს. ივ. ხელაშვილმა იკისრა კიკნაძე ბერის აღზრდა და გამოწურთვნა. ამ დროს ექ მოხდა ნაპოლეონის შემოსევა, ივ. ხელაშვილმაც მოსკოვის აკადემიის სწავლა დაამთავრა. ამიტომ ივ. ხელაშვილი პეტროგრადს გადასახლდა და ფილადელფოსიც თან წაიყვანა. აქ ფილადელფოსი მღვდელმონაზნათ იქმნა კურთხეული. მღვდელმონაზნობით ეს კარგ სახელთან, ფულსაც შოულობდა, პეტროგრადში ყოფნის დროს, ფილადელფოს კიკნაძემ ბევრი რამ შეისწავლა და გაიცნა.

აქ ფილადელფოსმა გაიცნა კარგათ ქართველთ ბატონიშვილების ცხოვრება და მათი ავ-კარგიანობა, შეისწავლა კარგათ რუსული ენა და ამ ენაზედ სწავ-

ლა მეცნიერებას. აქვე მან უალრესათ გაიცნა საქართველოს ისტორია, აქ ჩაენერგა მას განუსაზღვრელი მამულისშვილობა და საქართველოს ერისადმი დიდი სიყვარული, რასაც ივ. ხელაშვილიც უწყობდებოდა ხელს და ახალისებდა.

ფილადელფოს კიკნაძე თუმცა ამ დროს პოლიტიკურათ შეგნებული კაცი არ იყო, მას მაინც დიდათ სძაგდა ის გარემოება, რომ მისი მოწყალე ბატონიშვილები რუსეთში ძრიელ უმწეოთ ხცხოვრებდნენ. მთავრობა მათ ცოტა დახმარებას აძლევდა. მთავრობა ამათ ქართველ ბატონიშვილებათაც არ სცნობდნენ, არამედ თათრის ხანებს უწოდებდნენ, რაც ფილად. კიკნაძეს დიდათ აღელვებდა და აბრაზებდა.

მოხდა ისიც, რომ ფილადელფოს გულში გაუელვა ამისთანა უსამართლო მთავრობის დამხობა და საქართველოდამ გაძევება. ეს აზრები მასში ნელნელა იფურჩქნებოდა. ამ აზრების მოთანხმე მეგობრათ მან პოვა სოლომონ დოდაშვილი, ორივე ხელაშვილების მცნებით გამოზრდილები და გამოწურთვნილები. ამათთან ყოფილა ერთაც კიდევ ვილაც ბერი სერაფიონ ლეჩხუმელი. მოხდა ისიც ამ პირებში, რომ ამათ გულში ჩაეხატათ საქართველოს რუსეთის ხელიდამ განთავისუფლება, ამის მცნებით

აღივსნენ იგინი. ამის შესახებ ივ. ხელაშვილიც, რასაკვირველია, ხელს უწყობდა.

ამ ცნებით აღვსილ სოლ. დოდაშვილმა და ფ. კიკნაძემ, რუსეთში მყოფ ქართველ ბატონიშვილებში ქადაგება დაიწყეს, ამათმა ქადაგებამ მთელი ბატონიშვილები მალე აიყოლია, ყველა თანახმა და თანაზიარი იყო ამის, მაგრამ ეს როგორ უნდა მომხდარიყო და რანაირათ, იმის გეგმა უნდა შეედგინა სოლ. დოდაშვილს, აგერ ამანაც 1827 წელს უნივერსიტეტის სწავლა დაამთავრა და ამ დღიდან კი საქართველოს განთავისუფლების შესახებ ღუბილს მოევლინა უკვე ფართო მომავალი და დასაწყისის განვითარებული სამზადისი.

ამ აზრის მქონი მამულიშვილები სოლ. დოდაშვილი და ფილ. კიკნაძე 1827 წ. ბოლოს უკვე თფილისში არიან მოსულნი. 1828 წ. ესენი უკვე ეძლევიან მოსვენებას. 1828 წ. ხსნიან ქართულ სტამბას. ამავე წლის ბოლოდამ იწყებენ ქართული გაზეთის „თფილისის უწყების“ გამოცემას.

1829 წ. ს. დოდაშვილი ბექდავს სხვა და სხვა ქართულ წიგნებს, ასევე ფ. კიკნაძე ბექდავს თავის ლექსებს.

1830 წ. ფ. კიკნაძე ბექდავს ქართულ პროკ-

ლამაცოას შესახებ „საქართველოს განთავისიფლები-
სათვის“.

ამავე წლიდამ ამ პროკლამაციებს ავრცელებს
იგი თუშ-ფშავ-ხევსურ-მოხვევებში.

1832 წ. ს. დოდაშვილი, ფ. კიკნაძე, სერაფ.
ლეჩხუმეო, სოლომონ რაზმაძე და სხვანი აარსებენ
საქართველოში „ფარულ საზოგადოებას“. ამ საზო-
გადოების მეთიური წევრთაგანია ფ. კიკნაძე.

ფ. პიკნაძემ „ფარველი საზოგადოების“ წევრ-
თათვის მოიგონა და შეადგინა ქართული საიდუმ-
ლო ანბანი. „ფარულ საზოგადოების“ წევრთ ამ
ანბანით უნდა ეწერათ წერილები, რომ მათი ცნო-
ბები არავის შეეცყო.

1830 წ. ფარული საზოგადოება ეძლევა გაძ-
ლიერებას. იგი იძენს ბევრს წევრებს. ფ. კიკნაძე აქ
მოქმედებს თავდადებით და დიდის ერთგულებით.
ეს ჰქალაგებს შემდეგს:

ეხლა, მინამ რუსებს საქართველოში ჯერ ფე-
ხი არა აქვთ გამაგრებული, ეხლა უნდა დავესხათ
და გავრეკოთ აქედამ, თორემ თუ ამათ აქ ფეხი გაი-
მაგრეს, მაშინ მათი გაძევება ჩვენი მომავლის თავო-
ბისათვის ძნელი იქნება, ამიტომ ჩვენც გასაკიცხნი
ვიქნებით მათგან. ეხლა უნდა გათავდეს ამათი საქმე

და ესენი გაძევებულ უნდა იქმნენ აუცილებლათსა-
ქართველოდამ.

1832 წ. ბოლოს, სამწუხაროთ, ეს ფარული
საზოგადოება დაცემულ და დამხობილ იქმნა, ვინა-
იდგან იგი გაცემულ იქმნა ერთის წევრისაგან. აი ამ
გაცემის ამბავიც:

9 დეკემბერს, 1832 წ. შუადღის შემდეგ, 5
საათზე კავკასიის შტაბის უფროს, გენ. ვოლხოვსკის
დაბეზღების ქალაქი მისცა თავ. ევსეი ფალავან-
დოვმა. როგორცა სჩანს ასეთი ქალაქი წინათაც
მიუცია იმავ უფროსისათვის, მაგრამ ყურადღება არ
მიუქცევიათ, ვინაიდგან თავ. ფალავანდოვს იცნობ-
დნენ როგორც არა საიმედო პირს, ხასიათით წამხ-
დარს, ბევრის ჭუჭყიანი საქმის ჩამდენს. 1824 წ.
რუსის მთავრობის წინაშე დააბეზლა სამეგრელოს
მთავარი დედიანი, ორჯერ გაქცეულიც იყო მთებში
ერთხელ კონსტანტინეპოლსაც გაიქცა და აშიტომ
ამის დაბეზღებაც არ სჯეროდათ.

უკანასკნელ დროს კი, 9 დეკემბერს, რომ მის-
ცა ქალაქი, საქმეები და ცნობები ისე უჩვენა,
ყოველივე ისე აუწყა და თან თავის დაპატიმრების
შესახებაც ისეთი დარიგება მისცა, რომ მეტი გზა
არ ჰქონდა უფროს, ყურადღება უნდა მიექცია. ბევ-
რის გამოკითხვის, ცნობების შეკრების და სახელისა

და გვაჩების დაწერის შემდეგ გენ. ვოლხოვსკიმ ეს საქმე მთავარმართებელს აცნობა, მეორე დღეს, 14 დეკემბრიდან შეუდგნენ გამოძიებას, ჩხრეკას და დაპატიმრებას, მართლად აღმოაჩნდა ყველაფერი და მით გამართლდა თავ. ფალავანდოვის დაბეზღება, დააპატიმრეს თვით ევ. ფალავანდოვიც, რომ მასზე ეჭვი არავის აელო,

აი რას შეიცავდა უმთავრესათ თავ. ევსეი იოს. ფალავანდოვის დაბეზღება:

ტფილისში არსებობს „ფარული საზოგადოება“ ამ საზოგადოების მეთაური წევრი ანუ დამაარსებელი გახლავსთ მასწავლებელი სოლომონ ივ. დოდაევი (დოდაშვილი). ბერი ფილადელფოს კიკნაძე, სოლომონ რაზმაძე, დიმიტრი ბატონიშვილი (იულიონის ძე) და ელისბარ ერისთავი.

ამათ აქვთ მიწერ-მოწერა რუსეთში მყოფ ქართველ ბატონიშვილებთან, მათ აძლევენ ფარულ საზოგადოების ცნობას. მიწერ-მოწერა აქვთ სპარსეთში ალექსანდრე ბატონიშვიტთან, კავშირი აქვთ ლეკებთან, მიწერ-მოწერა ყარსის და არდაგნის ფაშების დახმაჩებით სტამბოლის მთავრობასთან და უნდათ, რომ საქართველოდამ რუსები გარეკონ, აღ. ბატონიშვილი მოიყვანონ და გაამეფონ.

დარიალის ხეობა უნდა ამოაშენონ, წინდაწინ

შეკრან გზა და იქ დააყენონ დარაჯები. რუსის მთავრობას ამ გზის ამოქოლვის შესახებ უნდა მოახსენონ, რომ ლეკები ამ გზით აპირებენ თფილისზედ დაცემას, აოხრებას და მიტომ ვამაგრებთო.

გაზაფხულის პირზე, ორთაქალის ერთ ბაღში, უნდა გამართონ სადილი. იქ უნდა მიიპატიჟონ თფილისის ყველა რუსი და მთავარმართველიც. დანიშნულ დროს მათთან დახოცვენ იმ ქართველთ, რომელნიც ამის წინააღმდეგნი იქნებიან, გადაწყვეტილი აქვთ, რომ უნდა მოკლან თვით მარშალი მუხრანსკი და სამოქალაქო გუბერნატორი თავ. ნიკ. ფალავანდოვი, ძმა ევსეისა, მერე ამას ნოჰყვება საერთო აჯანყება.

ამ დროისთვის აღსდგება მთელი დაღისტანი და კახეთის გზით წამოვა თბილისზე, რათა მხარი მისცენ ქართველებს რუსის გასარეკათ. აღექსანდრე ბატონიშვილიც აქ გაჩნდება სპარსეთის ჯარით. მოემგებებივნ ყარსის და არდაგანის ფაშებიც. მთელი ოსობა და მთის ხალხიც ამდგარი იქნება. ამითი აჯანყების საქმე ერისთავებს და მაჩაბლებს აქვთ ნაკისრი, კახეთისა—სხვებს და თუშ-ფშაფ-ხევსურთ ამბოხება ფილ. კიკნაძეს, შუ მთის ბერს.

აჯანყების პირველ დღესვე უნდა დაეცნენ ხაზინას, სხვა და სხვა სამართველოებს და კაზარმებს.

რუსის ჯარი უნდა დაიმორჩილონ ქართველის ჯარის ძალით, იარაღი აჰყარონ და ყოველივე ქონება ჩამოართვან. თვით კიდევ გზა უჩვენონ რუსეთისაკენ ვინც აქ ისურვებს დარჩენას და ერთგულებას განაცხადებს, იმას დასტოვებენ, ხოლო ამის ფიცი უნდა დასდვას.

ამ ცნობებთა გარდა სხვა კიდევ ბევრი მისცა ფალავანდოვმა. თავ. ფალავანდოვი ფარული საზოგადოების უმთავრეს მეთაურათ სოლ. დოდაშვილს ასახელებდა და ფილადელფოს კიკნაძეს, იერომონახს, დაუძინებელ მტერს რუსეთის მთავრობის და მათ წინააღმდეგ მოქადაგეს. თავ. ევსეი ფალავანდიშვილმა ფილ, კიკნაძე ბერის შესახებ შემდეგ აუწყა მთავრობას:

კახეთში ქალაქებს კიკნაძე ბერი ავრცელებს; ქალაქების საწყობი მის შონასტერშია მოთავსებული დამალვით; ეს ამბები ბერებმაც იციან, ის ყველგან დადის და სიტყვებს ამბობს, მისივე შედგენილია ამ ფარული საზოგადოების წესდება. ქართველ სამღვდელოების და ბერების აჯანყება მას აქვს მინდობილი, მას დიდი გავლენა აქვს სასულიერო წოდებებზე.

რადგანაც ზამთარი იყო, ამიტომ მთავრობამ მცირე ხანს ამ ბერის საქმე უყურადღებოთ დასტო-

ვა. მერე კი მიაქციეს ყურადღება. მასთან მაშინ-
დელ ეგზარხოსსაც აცნობეს, რომ თქვენ სამწყოსში
ყოფილა ერთი ბერი, რომელიც წევრია ფარული
საზოგადოების და დაუძინებელი მტერი მთავრობა-
საო. ეს გარემოება იმ დროს ექზარხოსმა და კან-
ტორამ მხედველობაში იქონია, ყურადღებაც მიაქ-
ციეს ფილადელფოს ბერს, მაგრამ საეკვო ცნობებს
კი ვერაფერს ტყობილებდნენ.

ფარულ საზოგადოების მეთაურ წევრთა შორის
აღმოჩნდა 100 კაცზე მეტი, წვრილ თანაგრძნობათა
რიცხვი სხვა იყო. დაპატიმრების და გამოკითხვის
შემდეგ, გამოირკვა ბევრი რამ ფილადელფოსის შე-
სახებ. ახლა კი თურმე დროც მოვიდა იმისი დაპა-
ტიმრების. ეს დრო ყოფილა უკვე გაზაფხულის პირ-
ზე, 1833 წ. თებერვალში, ან მარტში. ფილ. კიკ-
ნაძეც დააპატიმრეს.

ამ დაპატიმრების შესახებ მე მიაშბო თვით ფ.
კიკნაძის ამხანაგმა მღვდელ-მონაზონ გენადიმ, რო-
მელიც ქვათახევის მონასტერში სცხოვრობდა და
რომელიც მომსწრე და მნახველი იყო ფარული სა-
ზოგადოებისა წევრთა საქმიანობის. ეს ამბავი მიაშ-
ბო 1883 წ. თვით გარდაიცვალა 1900 წ. ღრმად
მოხუცი. იგი ამ ამბებს სიამოვნებით ლაპარაკობდა

და თან აქებდა ფილ. კიკნაძეს. აი მისი ნათქვამი სიტყვით-სიტყვა:

გაზათხულის პირი იყო, კახეთს, შუა-მთის მონასტერს, ერთ დღეს, დილით, სამოცი რუსის ყაზაძი გაჩნდა და 120 სალდათი. ესენი მონასტრის გალავანს გარს შეიოერტყნენ და შოგ გალავანში შემოვიდა მთავარმართებლის კაცი, იმ დროის საქართველოს ეგზარხოსი. მათ შემოჰყვა რამდენიმეც სხვა და სხვა პირი, ბერები, შევეკრით და შევეშინდით. მალე ბერებს გამოუძახეს ყველას თავთავის სენაკიდან. ბერები გამოვიდნენ, მიიხმეს ფილადელფოსიცი, რომელიც იმ დროს, შუა მთის წინააშდგრის თანამდებობას ასრულებდა. ბერები გაამწკრივეს რიგზედ, ფილადელფოსიცი მათ წინ დააყენეს, ფილ. კიკნაძემ რუსული ენა კარგათ იცოდა, ჩვენც გვასწავლიდა რუსულს. ეგზარხოსმა კიკნაძეს უთხრა:

— მე ძრიელ მწყინს და მერიდება, რომ ჩემს სამწყოში, ასეთ მონასტრის ბერებში მთავრობის წინააღმდეგი ცნობები გივრცელებიათ. არ მეგონა თუ ასეთ პირს ვნახავდი საქართველოს მღვდლებში და ისიც ბერებში.

ეგზარხოსი ფილადელფოსს კარგახანს ესაუბრა, მან ყოველივე უარი ჰყო. ჩვენ ქართული წიგნების საბეჭდავზე ვლაპარაკობდით და არა რუს ხემწიფის

წინააღმდეგო. მერე ეგზარხი და მოხელეები სკამებზედ დასხდნენ და სათითაოდ იხმობდნენ და ალაპარაკებდნენ ბერებს და ფილადელფოსის შესახებ ჰკითხავდნენ. ბერები არას ეუბნებოდნენ. თუ ვინმე რასმე ეუბნებოდა, ყოველივე ფილადელფოსის კარგს მართლაც შესანიშნავი კაცი იყო, ბერების მოყვარე, ხლებ-კაცების ძმა და ყველას ამხანაგი, აბა მასზედ ცუდს ვინ რას იტყოდა. შუა მთას ჰქონდა სასწავლებელი და უფასოდ ასწავლიდა თავად-აზნაურის, თელავის მოქალაქეების და გლეხთა შვილებს, ჩვენ ბერებსაც ბევრ რამეს გვასწავლიდა. ბერებს რომ ვერაფერი ცნობები ათქმევინეს, ეგზარხი გაწყრა, მერე თითო-თითო ბერს დააყენებდნენ და თარჯიმანით ჰკითხავდნენ.

— კიკნაძე ბერმა ალავერდობას და შუა მთობას რა ილაპარაკა ხალხში?

— ალავერდის დღესასწაულზედ, ალავერდის ცხოვრებაზედ, შუა მთის დღესასწაულზედ და მის ისტორიაზედ.

ყველა ბერმა ასე აჩვენა ცნობები.

— მაშ აბა ამ შუა მთის მონასტერზედ დაიფიცეთ, რომ თქვენ ტყუილს არ ამბოათ.

ბერებმა პასუხი მისცეს და მე'ე დაიფიცეს კიდევ. ზოგს ემძიმებოდა ფიცი, მაგრამ რა ექმნათ,

ფილადელფოსის ეხატრებოდათ. ეს ეგზარხოსმაც შეატყო ბერებს და სთქვა, რომ ბერებს ფილადელფოსის მხარე უჭირავთო. მე მაშინ რუსული უკვე ვიცოდი და ყველაფერი მესმოდა. რუსული ჩემი ბატონის თავ. არლუთინსკის სახლში ვისწავლე. რადგანაც დედაჩემს ერთი შვილი ვყვანდი, მიტომ შემომიყვანა მონასტერში და ბერათ შევდექი, რომ მერე ბატონი აღარ წამედავოსო, შვილი ყმათ არ წამართვასო.

ცოტა ხანს შემდეგ ბერებს კიდევ დაუწყეს გამოკითხვა. ამ დროს გარედამ სალდათებიც შემოიყვანეს და მათ თან შემოიტანეს მსხვილი თოკები. ჩვენ შეგვეშინდა. ვსთქვით, დაღიობას ხომ არ გვიპირებენო. არ ვიცოდით საჭმე რაში იყო. ცოტა ხანს შემდეგ ბერები კიდევ დააფიცეს. მიზეზი მეორეთ დაფიცვის თურმე სხვა საჭმე იყო. მერე სხვა კითხვები მოგვცეს, მაგრამ არც იმითი იქმნა რამე. მაშინ შუა მთის გალავანში ბევრა ხილის ხე იყო, თითო ბერი იმ თოკებით თითო ხეზედ მიაკრეს, მეც მიშაკრეს ერთ ხეზედ. მერე ჰკითხებს ბერებს.

— ჩვენ დანამდვილებით შევიტყეთ, კარგათ ვიცით, რომ ფილადელფოსის ბერი დადიოდა კახეთის სოფლებში და რუსის მთავრობის წინააღმდეგ ლაპარაკობდა. ასე თქვენს წინაშეც ხშირად ულა-

პარაკნია ლალატისთვის. ეს ამბები თქვენც კარგათ იცით. ამიტომ გთხოვთ საქმის განცხადებას. ბერები სულ უარზედ იდგნენ. არაფერი ვიცით ჩვენ მაგისიო, მათ ვერაფერი ვერ გაიგეს. მერე შეკრულ ბერებს მისცეს ეს კითხვები:

— თილაღელფოსს აქვს მრავლად წინააღმდეგი ქალაქდები, დაბეჭდილობები, რასაც იგი არიგებდა ხალხში. ამ ქალაქდების არაფერი გაქვთ თქვენ შენახული, ან არ იცით თუ სად ინახავდა?

1/10 დაბმულ ბერებთან მოგვიტანეს ეს ქალაქდები და გვაჩვენეს, მაგრამ ყველამ უარი ვსთქვიით. მერე გვითხრია:

— თქვენ სახლებს სულ დაეჩხრიკავთ და თუ სადმე რამე ვნახეთ, მაშინ თქვენ ყველას დაგსჯით, გაკრიჭავთ და რუსეთში დაგკარგავთ, აქაურობას ველარ ნახავთ.

ბერებმა მაინც არაფერი სთქვეს, მერე დაიწყეს ბინების ჩხრეკვა, ჩხრეკეს ყველაფერი. საყდარიც კი გაჩხრიკეს, მაგრამ ვერაფერი მოიხსნეს. მერე დაუძახეს სხვა და სხვა სალდათებსაც, ამათ სოფლის ხალხიც მიუმატეს, ბარით, ნიჩბით და წერაქვებით და დააპირეს მთელი სახლების დასცემა და ქერების აყრა. ამაზედ წინასწარ გამოუცხადეს:

— აი, რაკი არა სტყდებით, და არას ამბობთ

და ჩვენც ვერაფერი ვიპოვნეთ, ეხლა ამ თქვენ სახლებს სულ დავაქცევთ და საცა იქნება იმ ქალაქებს ვიპოვნით და მერე თქვენც საქმე ცუდათ წაგივათ.

ასეთის დამუქრებით ერთ მოხუცებულ ბერს შეეშინდა. იმას იქ ორ სართულიანი სახლი ქონდა, პატარა, ძირს ორი ოთახი იყო და მალლა სართულს ერთი დარბაზი. შეეშინდა, ვაი თუ დამიქციონ და მით მაინც იპოვნიან ყველაფერსაო. ისევ გასცემ და მით იქნება სახლი მაინც დამირჩეს მთლათაო. ამან დაუყვირა დასაქცევად გამზადებულ ყაზახ-სალდათებს:

— მოიცადეთ, მოიცადეთ! ნურაფერს დააქცევთ, მე გეტყვით სადაც რა არის შენახული. აგერ, ამ მეორე სართულის ყავრულში ქვეშ, ბანზედ ერთ ალაგას გაჩიქნილ მიწას შენიშნავთ, ის მიწა იქით მიყარეთ, ქვეშ ფიცარი აძევს, ეს ფიცარი ახადეთ და მის ქვეშ კოჭის ხეებს შუა აწყვია ყოველისფერი. საქმე გამოირკვა, ბერებმა ერთმანეთს გაოცებით შეხედეს და დალონდნენ.

მალე ავიდნენ იქ და ყველაფერი ჰპოვეს. რამდენიმე ხნის შემდეგ ჩამოზიდეს აუარებელი ნაბეჭდი ქალაქდები. ამ ქალაქდებისა ცოტა შეინახეს და დანარჩენი ცეცხლს მისცეს და იქვე დასწვეს ყველას თვალ წინ. მერე ბერებს შეეკითხნენ.

— ეს არ კმარა, აქ ქალღმერთები სხვა სახლებშიც იქნება დამალული. აი, იმ სახლის გარდა, ჩვენ სხვა ყველა სახლს დავაქცევთ და დანარჩენსაც ვიპოვით, გირჩევენიათ ყველანი გამოტყდეთ და სთქვათ თუ სად არის დამალული, თორემ სახლები დაიქცევა, თქვენ კარში დარჩებით ცის ქვეშ და ჩვენ კი მაინც ვიპოვნით ყველაფერს.

ბერებმა ბევრი იფიცეს, რომ მაგის მეტი აქ არაფერი იყო, მაგრამ მაინც არ დაიჯერეს მათ და სახლები კი არ დაანგრიეს, ბანზედ კი თხარეს მიწა და სჩხრიკეს ჭერში, მაგრამ ვერსად ვერა იპოვნეს. ამ დროს, როცა ყაზახ-სალდათები ბანებს სთხრიდნენ და ასეთ მუშაობით იყვნენ დაბანდებულები.

ეგზარხმა ფილველოფოს კიკნაძეს რაღაც უთხრა, იმანაც უპასუხა, მერე ეგზარხოსი მივიარდა ფილველოფოსს და გულილამ ჯვარი ააწყვიტა. ფილველოფოსმა ჯვარი უკან წაართვა და უთხრა:

— თქვენ უფლება არა გაქვთ, რომ ამ ჯვარს მტაცებთ. მე ქართველი კათოლიკოსის ნაკურთხი ვარ, ჯვარიც მისგან მაქვს ბოძებული. თქვენ კი ამის უფლება არ გაქვთ. თქვენ რუსის ეპისკოპოსი ხართ, ჩვენ და ოქვენ სხვადასხვები ვართ.

ეგზარხოსმა აღარ აცალა, ჯვარის წართმევა კვლავ მოინდომა, მაგრამ ვერ წაართვა, ამიტომ

მუშტიც იხმარა, მერე ფილადელფმაც დაარტყა და
ერრომანეთი კარგათ გლიჯეს. ჩვენ ბერები რას ვი-
ზავდით, ხეზე მიბმულები ვიყავით და სხვანი სულ
ბანებსა და ყავრილებზე იყვნენ სათხრელად მოსულ-
ნი და მაყურებელნი. მერე კი ხმაურობაზე მოვიდ-
ნენ და გააშველეს. ამის შემდეგ ჩვენ აგვხსნენ და
ფილადელფოს კიკნაძე კი მაგრათ შეკრეს თოკით.
ამ ამბავმა დიდი თავზარი დაგვცა ბერებს, მაგრამ
რალას ვიზამდით. ერთი ის კი მახსოვს, რომ როცა
ბებერ ბერმა ცნობა მისცა, მაშინ ფილადელფოს
კიკნაძემ იმას შეხედა თვალებში და ჩვენკენ დაბა-
ლის ხმით სთქვა, „წახდა საქმეო“. მთავარმართებ-
ლის კაცმა ფილადელფოს რუსულათ უთხრა:

— თქვენ ბერი ხართ, ხემწიფის ერთგულო-
ბაზე ფიცი გაქვთ მიცემული, მისგან ჯამაგირიც გვ-
ძლევათ და განა ეს საკადრისია თქვენთვის, რომ
მონასტერში წინააღმდეგ ქალაქლებს ინახავთო.

ფილადელფოსმა უარი ჰყო, მე მაგ ქალაქე-
ბის საქმე სულ არ ვიცოდით! მეც ეხლა შევიტყეო
თუ არა და ჰკითხეთ იმავ ბერსო. ჰკითხეს ბერს ეს
ამბავი. იმან უთხრა:

ქალაქიდან ორი კაცი მოვიდა მონასტერში.
მერე ისინი ავიდნენ იქ, გათხარეს ჰერი და იქ და-
გალეს ქალაქლებიო. ჩვენ გვითხრეს, რომ ეს ქა-

ღალღებში საიდუმლოა, თქვენ გეგბარებოდეთო. იმ
ღროს ფილადელფოსი არ იყო აქ. იგი თბილისში
იყო თუ სხვაგან სადაც, ეს მე არ ვიციო. საქმე
ასე დააყენეს, მაგრამ არავის არა სჯეროდათ.

კოტა ხანს შემდეგ კიკნაძე ბირი ერთ ოთახ-
ში დაამწყმდიეს. გარს რუსის ორმოცი სალდათი
შემოარტყეს და მერე თვითონ ალავერდში წავიდ-
ნენ. იქაც მოახდინეს გამოძიება, მაგრამ ვერაფერი
ვერ ნახეს. მერე დაბრუნდნენ ისევ შუა მთაში და
გამოძიება-გამოკითხვები დაიწყეს და ფილადელფო-
სი დამნაშავეთ იცნეს.

მერე გაუკითხეს ბორკილი, წელზე და ყელზე
გრძელი თოკი მოაბეს. აე თოკის ერთი წვერი მის-
ცეს ცხენზე მჯდომ ყაზახს ხელში და უკან ფეხით
გამოიყენეს ფილადელფოსი, სადაც ცხენოსანი ყა-
ზახებიც ფეხდაფეხ მისდევდნენ და ამ გვარათ ჩამოი-
ყვანეს ტფილისში.

იგი ციხეში დააპატიმრეს, მერე ღარიის მონა-
სტერში, სადაც გარდაიცვალა.

დამარხვის დღეს მონასტერში მოავრობისაგან
რალაც ქალღილი მოვიდა. მე მაშინ არ ვიცოდი რა
ქალღილი იყო. ბერებმა სთქვეს, რომ პატიების ქა-
ღილი იყო. მომდინმა მოხელე კაცმა ეს ქალღ-
ღი ფილადელფოსს საფლავზე წაუკითხა და წავიდა,

არც ეს მე არ ვიუოდი. ბერებმა კი ფილადელფოს „სამარეზე მართალი“ უწოდეს. შევიტყე, რომ ფილადელფოსი ისე მალე მიტომ გარდაიცვალა, რომ მგზავრობის დროს გზაში ეცემნათო, მერე გაციებულოყო და მესამე რუსის სალდათებს რომ კარში თოფებით გაჭყვანდათ და უყურებდნენ ყარაულად ეს ერთობ ერიდებოდა, სცხვენოდა და მიტომ სიკვდილს ნატრობდა და მოკვდა კიდეცაო. სიკვდილი მისი უნდა იყოს 1837 წელსო. სწორეთ იმ წელს, როცა რუსეთშიაც სოლ. დოდაშვილი მომკვდარა.

აქედამ სხვა პირთა მოთხრობილ ამბებს ვსწერთ ფილადელფოს კიკნაძის პატიმრობის შესახებ რაფიელ ერისთავმა იცოდა.

ფილადელფოს კიკნაძე ბერი ტფალისში რომ ჩამოიყვანეს, პირველად ავლაბრის ყაზარმაში დააპატიმრეს, რადგანაც ციხეში ალაგი აღარ იყო. აქ მან დაპატიმრებული ნახა ყველა თავის ამხანაგები, ე. ი. წევრნი „ფარული საზოგადოებისა“. პატიმრები ყაზარმაში სულ ჩამწკრივებულნი ყოფილან სხვადასხვა ოთახებში. კიკნაძე ბერი თუმცა გზაში თრევისაგან დაღლილი ყოფილა, მაგრამ მაინც მათქი ყოჩაღათ დატრიალებულა. უთქვამს, რაკი სბქმე ასე გათავდა, ეხლა ვეცადოთ, რომ საქმე ეგებ ისე

წავიყვანოთ, რომ ყველამ ერთმანირად ვლაპარაკოთ გამოძიების დროსაო. აქ თურმე გამოიყენა თითების რაკუნით სიტყვების გაგზნის ოსტატობა. ამხანაგებმა თურმე ერთ დღეს ისწავლეს თითების რაკუნით ლაპარაკი და დაპატიმრებულნი სულ ასე თითებით ლაპარაკობდნენ და ერთმანეთს ატყობინებდნენ.

ასე ოთახის კედლების თითების რაკუნით ლაპარაკი მთავრობას გაუგია, ისიც შეუტყვიათ, რომ ფილადელფოსი ახერხებსო. ამიტემ ეს ბერი ყაზარმიდან დარჩის მონასლერში გადაუყვანიათ, მასთან სხვა ბერებიც ყოფილან და ყველა დარიაში დაუპატიმრებიათ, რაც რომ ქალღმერთი და ხელთ ნაწერი წიგნები ჰქონდა, ყოველთავე მაშინ დაკარგულა, ამბობდნენ, რომ თვით საიდუმლო ანბანიც მიტომ მოიგონა ფილადელფოსმაო. ამ ანბანს იგი თავის ამხანაგებს ასწავლიდაო. იგი უსათუოდ ფარულ საზოგადოების წევრს უნდა შეესწავლა და საქმე რომ დასცლოდათ, მაშინ მათ თავიანთი საქმეები, მოქმედობის ცნობები და წევრთა მოპოვების ცნობები ამ ახალ ანბანით ინდა ეწერათ, როდესაც ვერც მთავრობა გაუგებდა რასმეს და ვერც სხვა მტრები თვინიერ ფარულ საზოგადოების წევრებისაო. ისიც იყო ცნობილი, რომ 1830 წ. ქართველ ბერებში ძლიერ ბევრს ასწავლა თურმე ფილადელფოსმა თი-

თების რაკუნით ლაპარაკი და საიღუმლო ანბანით წერაო, მაგრამ 1832 წ. შემდეგ მას აღარავინ აჩენდა, რადგანაც შიში ჰქონდათო.

1882 წ. ნიკონ (იერომონახი) ჯობინაშვილის ნაამბობი: 1870 წ. ავლაბარში მივდიოდით მე და ტარასი არქიმანდრიტი. ავლაბრის კაზარმას რომ მიუახლოვდით, შეხედა თუ არა ამ კაზარმას, მაშინათვე ამოიოხრა და გადააფურთხა. მე არ ვიცოდი მიზეზი თუ რას ნიშნავდა. მე ვკითხე და მითხრა.

— 1832 წ. მე ამ კაზარმაში ვიყავი დაპატიმრებული, ჩემთან ერთად სხვა ბერები და მღვდლებიც ისხდნენ, რის შედეგ ისინი ყვალანი დარჩის მონასტერში ვიქმენით გადაყვანილნი და დაპატიმრებულნი. იქ გაოდაიცვალა ბერი ფილ. კიკნაძე და ერთიც სხვა ბერი ალავერდიდან მოყვანილი.

ტარასი არქიმანდრიტს ბევრი რამ აღარ ახსოვდა, თორემ ამის შესახებ მას ბევრი ცნობები იცოდა. 1832 წლის ცნობები თუ ოდესმე საჭირო გახდებოდა და თუ ვინმე აღწერდა, ეს არ ვიცოდი, თორემ ბევრ საყურადღებო ცნობებს შევკრეფთიო, რადგან ტარას არქიმანდრიტის გარდა სხვებსაც ვიცნობდიო, რომელთაც დაწვრილებით იცოდნენ 1832 წ. ამბები. ის კი უნდა ითქვას, რომ ფილად. კიკნაძეს ყველა აქებდამო და დიდ მცოდნე კაცათ სთვლიდნენო, თქვა ამ ბერმა.